



春臺先生文集

後稿初編

辰

詩部

~ 16  
3262  
5





二  
卷  
八

3883  
2

林

北  
林  
書  
山  
林

林  
園  
後  
書

春  
臺  
夫  
主  
著

千  
里  
必  
資  
不  
信  
請  
試





冊二拾  
號文  
函八

門八16  
號3262  
卷5

編初

春臺先生著

不許翻刻  
千里必究

# 紫芝園後稿

江都

書肆嵩山房梓

春臺先生紫芝園後稿目錄

第一卷

風雅

海風

三言

十倚蘭藤侯將戍平安置酒與諸子別分賦十二

體得風字

五言古

故刑部侍郎隨雲源公挽歌

春臺先生集

目錄

上

校刻



文種詩應大坂處守源公賴稔教

五公燕

奉謝小倉中將藤公惠書

七言古

三奉呈猗蘭藤公

中條圖南惠風字硯賦此寄謝

醉後戲渡邊生狂歌

送麟嶼童子遊西京

王孫行

寶槍歌

送次公歸長門祭酒國學

五言律

秋日書懷

冬日懷仙閣小集同用深字

暮春奉陪徂來先生宴次公舍

春宴田中侯莊三首

諸君集奎州舍賦此贈主人得山字

冬初宴同齋越公莊



題阿林帖 送客

別僧還洛陽 苦雨

同前戲代僧作 雪夜懷友

恭陪下館侯筵奉餞足利侯赴浪華之戍

答長州門田子高見懷

送本秀沙門歸省南紀

正首夏過飲東洲馬島君宅得仙字

秋日村行 早起

友人寄梅 早春遊望

將往秩父四月十五日過中山能仁寺信宿二

首

尾張鈴木大夫見訪作此奉謝二首

送周善上人赴請羽州林昌寺公駿人也

暮春過飲山田良夫宅與文英非聃二師同賦

送文英非聃二師還鄉

送五味伯耳還峽兼寄井上玄里

書信甫所藏花鳥圖後

二月十九日遊飛鳥山與諸子飲溪上得春字



雪後紫芝園小集懷子蘭得遙字

暮春小集東城伯通宅得花字

過天門上人舊居寫懷得門字

初夏雨集鳳岡亭得人字

秋日生沼氏問奇堂集得花字

歲暮紫芝園集得才字

秋夕過飲子才崇古樓與諸子分韻得來字

秋夜過飲子行問奇堂看月得風字

歲暮紫芝園雪集得鐘字

初夏遊西岸寺與諸子分韻得青字

夏日睡起

春雨中過飲橫井氏木蘭堂分韻得來字

早春望富嶽得浮字

夏日與友過飲子玉觀白毫翁畫

五言排律

初冬登東睿山文殊樓

送莊內水野大夫祇役日光山

七言律



奉送西臺藤侯奉命戍平安

九日城南登高送子帥入京

送中條圖南還河陽

奉賀館林侯弘毅越公六十初度

早夏喜子遷子和秀緯至

秋日病中作酬住江君微見寄

送梁元勳

答謝田中叵思議上人二首

大垣北村抱節嘗學於余又與余同好音不卒

早世遺言歸余其所吹之笛故作此以哀

送文雄上人歸西京宴尾張大夫鈴木公邸

送子方從田原侯之國二首

酬常山義海上人感秋寄懷二首

第二卷

七言律

兵部秋田公枉駕見過關迎接作此奉寄

秋日野望

三月十四日諸子同遊飛鳥山飲溪上得輕字



初夏遊長慶寺卒賦呈良天尊者

元文己未余甫六十迺九月十四日諸君子齎

酒饌來開宴於紫芝園草堂探韻各賦詩余

得陽韻答賦併申謝云

寄題子式新居 江樓晚眺得人字

松崎子允六十壽筵即事得雲字

冬日集河津氏湯谷亭分韻得十二侵

雪後寄友人 山寺避暑

晚春集土屋氏曲江亭得寒字

夏日挹翠亭集得多字

梅雨中陪相良侯西岡君遊弘福寺與子亮君

奉脩分韻得穉字

相良侯藤公枉駕草堂卒作奉謝

奉送相良侯藤公之國

奉送準夫土屋君戍駿府

五言絕

少年行

送天門慧寂二師之西京三首



畫蘭圖

送子高歸長門兼寄次公三首

信州鵞湖

題蒲桃圖

少年行得邊字

兒島高德書櫻樹圖

題畫蘭圖

送雲察上人應請白河森巖寺二首

奉贈準夫二首

題畫鷹圖

七言絕

倚蘭藤侯將戊平安置酒與諸子別分賦十二

體得開字

同友人芝浦看月

尋隱者不遇

酬子師見寄二首

奉輓下館世子對州丹使君二首

題海晏寺紅樹

和中條圖南立春之作

關山月送次公歸長門

奉和琴鶴丹侯自下館所示夏晚之作二首

關山月

謝長坂國父惠家釀

冬日與叔潭子彬集中野伯京宅



夜過飲善上人房

冬日與叔潭過木下實聞舍

過遵了上人不過下詩贈別

東睿山看花

夏日同子和過東城伯通得來字

臨高臺送旭上人還山

初夏過大森氏依永堂偶有贈紅芍藥者主人

索詩走筆以答

子方惠白團扇上有西宮怨圖乃其所畫貳以

古宮詞皆甚可愛也聊此寄謝

漢宮詞

初秋子方宅同湛圓上人賦晴景得花字

送慧亮沙門還南海

胡笳曲送騰雲師還湖中

送松宮觀山之長崎二首

送雲洞傳真二師遊毛州

奉賀尊大人琴鶴公六十初度

代下館世子

送聞哲師歸浪華



春末高田郊行與諸子分韻得春字

送真海沙門再入京遂歸觀江州

除夕與友人吹笛得人字

春雪諸子集紫芝園得遲字

與諸子賦曲名得柳花苑

九月十三夜月甚明欲邀印海芝山二師同賞

二師他適不來作此却寄

送僧歸當麻

金山師惠清人大鵬沙門畫竹

送服部子昌勝 秩父山行

登白雲山 送應上人還長州

冬日宴鈴木大夫邸聽樂

除夕吹笙憶印海芝山二師

早春登增上寺樓 金原望筑波山

送專上人還鄉二首

英聘二師過良夫宿別余有故不會遙寄

送東城伯通從岡崎侯之國

送竹洲師歸丹陽 送潮音師還西京



過飲大橋氏分韻得君字

古河藤侯邸奉陪主君看花

送莊內水野信甫使西京

聞天門師與諸子集子肅氏遙有此寄

元旦病中

送萬雄上人歸浪華

春日集正木氏待蠖齋公不至晚乃見臨作此

奉呈

送文英上人歸攝州

夏日集紫芝園論文得殘字

六月晦日立秋分韻得麻字

歲杪紫芝園會業探得麻韻

送石川由之還峽中二首

暮春遊飛鳥山望筑波

哀喜朴翁

三叉江泛舟

佃渚訪諦順師不遇

謝五味伯耳惠栉子

送金山上人二首

將往上海雨中留別長翁子顯

自高麗往沼田道中作



沼田奉陪君侯過妙光寺聽日檀上人說法上人見贈以詩率爾答之

桶川留別栗原子元 賦得隴頭水

送多賀子歸加州 俠客行得心字

酬內藤君望見懷

謙亭主人邀大泉水野大夫陪宴作此

哀天門上人 君延宅與子允飲卒賦

謝伯耳惠乾柿

早秋遊豐山長谷寺偶然成詠

平田杏稻

歲初集紫芝園分賦曲名得柳花苑

初夏生沼伯飛見招與子允父子飲得飛字

季夏小宮山氏謙亭避暑得侵韻

寄義山律師 暮春遊豐山新長谷寺

送義卿還加州

奉送今大路子直遊函嶺

送菊菴禪師還峽中 謝人贈牡丹

山中聞子規 歲暮紫芝園集得清字



諸子宴飲唱酬疊篇予亦賦此

春宮怨

寄懷天功卧病

贈九十二翁河津正伯先生

送伯通再從岡崎侯之國

冬日詣相良侯歸路遇雪明日公見寄以詩作

此奉答

歲杪紫芝園集今大路君不至見寄以詩席上

和之奉懷得深字

初夏過飲傳久寺憶天門上人得回字

奉酬相良藤公見過之作

第三卷

頌

穆父頌

執政拾遺沼田侯琴鶴丹公七十壽頌

明卿頌

河津翁九十壽頌

銘

筆銘

如意銘

佩墜銘



贊

題高名勅緣木者圖

題圮上圖

題列子御風圖

先聖像贊

關雲長像贊

楠河州留子圖贊

西王母像贊

序

贈飯田啓事序

贈悅上人序

刻阿林帖序

送玄海沙門序

隨雲軒詩集序

修剛阿彌陀經序

第四卷

序

澹園稿序

送足田子業歸莊內序

紫芝園鬼簿序

倭讀要領叙

朱氏詩傳膏肓後序

奉送大坂處守源公賴稔之任序

重刻古文孝經序

聖學問答序



送赤星子蘭之長崎序

解惑論序

增注孔子家語序

論語古訓序

第五卷

序

刻東野遺稿序

送秋本子帥序

攝和覽勝叙

武德編年集成序

松崎子允六十壽序

和漢帝王年表序

養老篇序

靜餘選叙

磨光韻鏡序

新選唐詩六體集序

周易反正序

倭楷正訛序

跋

念西間課跋

論語古訓外傳跋

增注孔子家語跋

蔡君謨萬安石橋碑跋

第六卷

記

為桑折侯源忠曉作皎月亭記

刺牌記

再造東光院記



秦君兼亮新造感甯家記

桑折侯歌器記

紀事

紀妓王事

紀平敦盛死事

紀毛二忍人事

紀傭夫壓死事

紀川口善光寺勸化事

鼠毒紀事

第七卷

論

儒醫論

文論一

文論二

文論三

文論四

文論五

文論六

文論七

第八卷

論

孟子論上

孟子論下

朱氏小學論

詩論



第九卷

辯

內外教辯

說

字會夫說

字義夫說

飾說

續師說

高久生字終甫說

岡田子字說

關生字說

常世鄉翁字說

井田子質字說

泊瀨川生字子福說

春臺先生紫芝園後稿卷之一

門人 東都

稻垣長章釋明

堤 有節仲文 輯

風雅

海風。海濱之民愛其宰也。言勤于政事而劬勞焉。

子宰我邑。在海之北。海風吹子。使子面黑。

子宰我邑。在海之瀉。海風吹子。使子身瘠。

子宰我邑。在海之洲。海風吹子。使子心憂。



海水孔鹹。煮之為鹽。子也勞苦。使我食甘。

海風四章章四句

記曰。正德中。總州海濱之民歌曰。夙捺闐罰鉢罵儺。

ソシタワハニノラフキ  
ウカシホカゼニモコレテ  
イロノクロサヨヤ

遺	也	而	吾	碌	馬	溼	也	語	閩	姑	癯
風	故	面	子	黑	攪	服	也	辭	吾	碌	部
詩	詩	色	者	也	擾	海	也	猶	子	薩	蹋
者	人	之	海	薩	也	水	也	之	也	欲	鳥
不	近	海	濱	欲	列	也	猶	字	耶	那	葛
過	世	之	宰	歎	鐵	閣	下	也	語	耶	溼
如	民	宰	君	辭	語	蛇	同	語	辭	此	服
是	間	乎	乎	猶	猶	風	同	辭	猶	倭	閩
云	歌	何	其	言	言	也	尊	漢	漢	語	蛇
爾	多	為	為	哉	所	尼	之	者	也	以	尼
	猥	辭	辭	也	字	語	之	也	也	漢	沐
	褻	鄙	耶	那	也	辭	疑	之	也	漢	馬
	唯	俚	耶	耶	逸	猶	辭	之	也	漢	列
	此	而	並	並	碌	為	猶	辭	也	漢	鐵
	稍	有	語	語	色	字	言	部	也	漢	逸
	可	古	辭	辭	也	也	乎	罵	也	漢	碌
	聽	時	言	言	姑	沐	也	濱	也	漢	儺

維魚言民之歸仁也。

維魚適渚。維鳥適叢。維民焉適。仁人之邦。

維魚適淵。維鳥適園。維民焉適。仁人之門。

魚兮鳥兮。安其有所。民之歸兮。懷此樂土。

維魚三章章四句

三言

猗蘭。藤侯將戍平安。置酒與諸子別。分賦十二體。得風字。

侯西征。衆會同。設祖帳。江之東。玉爵潔。金壘充。絲竹



奏樂三終。衆具醉。氣成虹。僕姑矢。烏號弓。弋六鷁。殪  
五豨。撲熠燿。激晨風。侯馬良。華驪驄。侯于征。鼓逢逢。  
溫其色。子之丰。奮長策。啓元戎。盡余言。效余衷。驪駒  
唱。起相從。遵大路。意無窮。

五言古

故刑部侍郎隨雲源公挽歌

哀哉人間世。忽如駒過隙。彭祖猶爲夭。况迺未滿百。  
滿百既希有。下壽亦難得。云胡君不淑。壯歲捐賓客。  
朝從車騎出。暮歸遽易篲。無惊萬戶富。編名新鬼籍。

內外哭盡哀。男婦婦女擗。有司俄告期。奠獻啓西壁。  
宮中何嘈嘈。魂輿何寂寂。銘旌含悲風。旆旆向城北。  
城北多丘陵。安厝有幽宅。冥冥長夜臺。玄廬翳松柏。  
薤露歌聲絕。班馬嘶不息。日月無停晷。斯須成疇昔。  
嗚咽呼蒼天。淚下霑膏臆。

文種詩應大坂處守源公賴稔教

并序

唐裴晉公嘗言吾輩但可合文種無絕。然其間有  
成功。能致身卿相則天也。大坂處守源公賴稔甚  
嘉是言。命純衍之爲詩。於是作五言詩一篇。



君子貴文德。冠冕臨四海。人望何所歸。昇平仰良宰。  
文德自有種。栽培深根柢。藏之無形跡。發之揚光彩。  
伊尹負鼎俎。傳說困胥靡。登庸相聖主。先後同一揆。  
勲績崇當世。名譽流千載。窮達心如結。二賢豈不偉。  
芳蘭生幽谷。荏苒廁衆卉。雖無識者知。馨香安可已。  
願君養靈苗。以俟佳人採。

公燕

冉冉歲云暮。急景迫玄冬。公子好賓客。愛敬意無窮。  
張宴華屋下。旨酒盈樽中。前庭開軒幌。後堂擊洪鐘。

雪霰飛如華。紛紛滿太空。合坐促杯行。嘉肴左右從。  
客有悲歌士。長歎氣如虹。秦箏和燕筑。妙技皆良工。  
樂只賢主人。笑語與人同。永日不知倦。飲酣禮益恭。  
滿堂齊稱頌。明德世所宗。凱悌膺多福。壽考且令終。

奉謝小倉中將藤公惠書

紫微列月卿。親衛重郎將。弧矢威不若。虎賁意氣壯。  
倉君雅好文。摘藻頗豪宕。千里爰咨諏。四方更博訪。  
茫茫東海濱。帛書降天上。豈謂巖穴下。居然承嘉貺。  
慕古一何甚。至性真可尚。鄙人殊蹇劣。奉教愧無狀。



瞻仰長安日。葵心知所向。但待雲霄中。遐舉滿衆望。  
七言古

會奉呈倚蘭藤公

藤侯新領羽林兵。奉詔西戍平安城。東方千騎森  
成列。躍馬意氣欲橫行。主將威名倚節鉞。王事靡盬  
輕九折。旌旆曉度函嶺雲。劍花晴看芙蓉雪。逶迤驛  
道遵海濱。五墩十亭望清塵。置酒不厭滿堂客。坐謀  
且留入幕賓。君不見平安高城近日邊。桓武草創已  
千年。地勢四塞山河固。皇圖萬世金石堅。那知海宇

中鼎沸。神祖一怒定九原。五戎將校擢智勇。三輔  
豪傑舉才賢。歸馬放牛百姓歡。釋棚鬯弓四海安。昇  
平之民齊鼓腹。百歲長見漢衣冠。藤侯天才兼文武。  
麾下精銳咸如虎。可惜勇力無所用。何似燕喜肆劍  
舞。聞說軍中有餘閒。知君長嘯對西山。

中條圖南惠風字硯賦此寄謝

湖北之山出美石。文理縝密更無敵。工人彫琢成硯  
池。風字宛然飛沙礫。西臺韻士字圖南。為人豁達能  
劇談。對酒自稱高陽徒。且飲且談動傾壺。興酣每誇



湖北勝。美石聲價亞照乘。座中聞者皆歆羨。人人慙  
勲求半片。海內物產試比方。赤馬獨來爭最殿。天然  
良材世所知。虎斑既已入勅選。圖南往日杯酒間。  
與我握手且留連。去時一言許此物。即今送來曲几  
前。巧手彫成風字象。徑尺墨池貯潑沆。春臺子平生  
疎放不自量。時復玩物心欲狂。那知力不勝椽筆。乘  
醉揮灑數十張。傍人含笑稱得意。豪氣直欲凌鍾王。  
寫罷新詩與誰看。思君不見雲山長。

醉後戲渡邊生狂歌

邊生志士善取友。宰子狂者喜飲酒。西京東都別復  
逢。銜杯慷慨重握手。紫芝園中草木深。黃鳥時來發  
好音。錦衣玉鳥人所羨。何如酩酊卧綠陰。人生土壽  
百二十。可憐牛山淚橫集。一日開口須盡歡。居然失  
時梅何及。

送麟嶼童子遊西京

田郎妙齡好遠遊。一旦尋師西入周。天邊月落函關  
曉。雲際星流渤海秋。周道如砥任奔走。那知古人骨  
已朽。到日試問柱下官。往時老聃今在否。



王孫行

長安大道經皇城。南北爲縱東西橫。街衢洞達方九軌。牛馬人民共通行。王孫貴種生驕泰。高車鳴鑿飛。華蓋連騎橫行大道中。往來轂擊相妨礙。海內輻輳帝王都。大道豈是一人途。王孫驕恣無禮讓。好使僕夫畧天衢。君不聞虞芮朝周慙且歎。行者讓路耕者畔。何有徹侯王子孫。與人相高立厓岸。昇平貴人性膏粱。于色于酒恒淫荒。三風十愆皆具備。那知厥身速危亡。君不見近日王孫患貧窶。旦暮衣食仰商賈。

夙債如山無盡時。歲傾倉廩輸財主。王孫之貧真可憐。屈膝低頭求貸錢。出門不省人厭惡。橫行意氣仍爭先。

寶槍歌

福釜苗裔生賢孫。射騎常從羽林軍。射鵬射虎那足道。彬彬才能兼好文。福釜先祖係公族。縣縣瓜瓞俱生育。皆能臨戎立戰功。于今雲仍猶世祿。世祿實因戰功多。福釜功伐定如何。手執寶槍破堅陣。一軍離披走蹉跎。壯士如山不敢當。將軍賜號槍三郎。真知



驍勇一敵萬。三河兵勢為之張。三郎昆孫字仲孺。與我相識時相顧。寶槍傳示誇家聲。使人爽然想風度。

驍即松平康懿字仲孺稱傳二郎其先三河公族食邑福益故亦稱福益氏六世祖曰親次稱三郎

二郎事三河君呼曰槍三郎云其槍傳之子孫到干

今實備前助宗所造也

送次公歸長門祭酒國學

出身仕國早遭遇。書記從役行幾度。豈謂此行不終年。匹馬翩翩首歸路。長門賓館碣石開。頰宮禮樂實壯哉。羨君今去得意處。永日揮麈育英才。

五言律

秋日書懷

落日挂高城。孤雲入看平。洞霞多晚色。津樹急秋聲。古調誰相和。芳樽只自傾。閑居殊未賦。更覺二毛生。冬日懷仙閣小集同用深字



欲問上池水。衝寒入杏林。劇談排稷下。留飲異山陰。  
高閣看星落。華燈愛夜深。醉來未歸去。投轄主人心。

暮春奉陪徂來先生宴次公舍

晴軒繡戶敞。高會近朱門。寒盡南風曲。春深北海樽。  
銜杯從取醉。吹笛不聞喧。滿座咸知己。文章堪細論。

春宴田中侯莊三首

別業囂塵外。名園積翠中。山深迷遠近。谷暗失東西。  
穿石溪泉出。開林徑路通。坐思舞雩興。偏對暮春風。

其二

欲問桃源路。還過金谷園。落花紅布地。深樹綠當軒。  
似得樵漁趣。寧聞車馬喧。留歡宜永日。美酒滿芳樽。

其三

散步上華亭。憑闌俯鶴汀。日光籠薜幄。春色合雲屏。  
霧斂水波白。煙消津樹青。鵬程儻可起。且欲圖南溟。

諸君集奎州舍賦此贈主人得山字

路熟東江上。同人此往還。登樓舒遠目。對酒破愁顏。  
名利浮雲外。詩篇落日間。歡娛千載遇。莫謾憶關山。

冬初宴同齋越公莊



竹戰北風清。閒園遠世情。幽禽窺院下。墜葉近簷鳴。  
鼓續漁陽響。歌傳易水聲。交歡何限意。相笑促杯行。

題阿林帖

阿林纔六歲。岐嶷異群兒。搦管拳纖指。揮毫展秀眉。  
姓名何足記。榮達不須辭。却笑陶彭澤。空留責子詩。

送客

一身無住着。來去只隨緣。夢覺疑胡蝶。愁生聽杜鵑。  
宦游空歲月。歸思遯山川。握手離亭晚。銜杯共黯然。

別僧還洛陽

飛錫雲林曉。彌天望未涯。江晴流碧水。海曙涌紅霞。  
城郭離亭近。關山驛路賒。春風似相送。應及洛陽花。

苦雨

積雨過三旬。濛濛苦殺人。徒令秋色老。安見月華新。  
酒盡揚廬冷。簾垂嚴肆貧。吾曹幸無事。坐作葛天民。

同前戲代僧作

秋霖行累月。洪水欲滔天。乞食愁泥濘。求花怯瘴烟。  
寒堂燈易滅。沉竈火難然。佛日何時節。光明照大千。

雪夜懷友



城北多寒氣。回風捲雪斜。映牕欺夜月。着樹妬春花。  
獨坐頻呼酒。清供謾命茶。何人剡溪興。重到戴逵家。  
恭陪下館侯。筵餞足利侯。赴浪華之戍。  
秋氣滿高堂。晴軒近夕陽。杯行斟沆瀣。樂奏發清商。  
賢主歡無盡。嘉賓樂未央。莫言光景促。千歲意難忘。  
答長州門田子高見懷  
一去雲山外。三秋消息稀。風塵遊易倦。歲月事多違。  
笛與鄰人聽。絃憑舍客揮。相思君有曲。令我夢魂飛。  
送本秀沙門歸省南紀

春來頻送客。悄悄不勝愁。人重三秋別。君爲四海遊。  
天風飛錫過。江水泛杯流。早晚南溟興。明珠在暗投。  
首夏過飲東洲馬島君宅得仙字

曳杖昌平里。敲門問橘泉。就陰花塢裏。由徑藥欄邊。  
水冷堪醒酒。風熏好理絃。興來知永日。不是故求仙。

秋日村行

暇日還乘興。相攜問石泉。草肥多牧馬。木落少鳴蟬。  
反景斜菰渚。遙風度稻田。誰家村酒熟。正有杖頭錢。

早起



嚴鼓響高城。東方爛啓明。里門猶犬吠。村路始人行。  
林暝星暉薄。庭空露氣清。燒香草堂上。端坐聽禽聲。

友人寄梅

見說江南客。春來未到家。歸心驚物候。騷思感年華。  
海上行雲斷。城頭落日斜。願言得消息。愛翫一枝花。

早春遊望

東郊春特早。一望極遙天。臘雪纔逾月。寒梅已隔年。  
海晴浮旭日。山曉起輕煙。誰與度新曲。鶯鳴竹樹邊。  
將往秩父四月十五日過中山能仁寺信宿二

首

跋涉過平原。蹒跚到寺門。高松蔭佛殿。脩竹繞祇園。  
唯有林泉好。曾無車馬喧。初來欲遺世。長嘯倚西軒。

其二

纔著謝公屐。來過支遁廬。山青花落後。野綠雨晴初。  
清晝滴蓮漏。黃昏響木魚。偶然值結夏。永日欲安居。

尾張鈴木大夫見訪作此奉謝二首

衡門開不早。貴客偶經過。騶從盈閭巷。冠裳映薜蘿。  
青松接行蓋。黃鳥雜鳴珂。似得林泉趣。留連情更多。



其二

恭承齊相顧。野徑駐干旌。不暇踰垣走。聊爲倒屣迎。  
莊周終隱逸。顏闔卻榮名。晤語欲更僕。門前駟馬鳴。  
送周善上人赴請羽州林昌寺公駿人也

離筵餞誌公。飛錫響秋空。六度辭南國。三衣向北風。  
馱經勞白馬。講法伏黃熊。誰謂羽山遠。彌天一望中。

暮春過飲山田良夫宅與文英非聃二師同賦  
江天雷雨過。乘興到君家。晚色青山近。晴暉白日斜。  
和歌憐好鳥。把酒惜殘花。別有招尋侶。清談意未涯。

送文英非聃二師還鄉

江上送君別。心中無限愁。窮交非世諦。玄賞即風流。  
行補登山屐。還呼下瀨舟。因思淀河畔。吾亦昔曾遊。

送五味伯耳還峽兼寄井上玄里

思親遊易倦。西望見雲生。佛嶺應朝度。猿橋任曉行。  
振衣君有意。握手我多情。井子今何若。慇懃爲寄聲。

書信甫所藏花鳥圖後

心匠巧經營。揮毫繪事成。丹青描得肖。綉素掃來清。  
欲艷名花色。如聞好鳥聲。與君杯酒後。觀覽放閒情。



二月十九日遊飛鳥山與諸子飲溪上得春字  
王子叢祠下。風光未暮春。山花明似雪。溪水淨無塵。  
投簡徵詩急。流觴酌酒頻。詠歌拚酩酊。擬作浴沂人。

雪後紫芝園小集懷子蘭得遙字

雪花飛昨夜。日出霽寒霄。嘉客衝泥濘。幽人散寂寥。  
杯行愁酒盡。歌發遲琴調。思爾欲乘興。西南悵望遙。

暮春小集東城伯通宅得花字

相值憐春切。多情感物華。雅遊非為竹。逸興豈因花。  
一斗鴻池酒。三鍾菟道茶。晚風送微雨。不見日西斜。

過天門上人舊居寫懷得門字

十載招提侶。相逢拭淚痕。莓苔埋竹徑。薜荔掩松門。  
舊事堪追憶。新詩無與論。尚餘彭澤令。重此倒芳樽。

初夏雨集鳳岡亭得人字

睡起偶乘興。來遊磔水濱。輕烟籠竹樹。微雨絕風塵。  
傾耳聽幽鳥。揚眉對故人。交歡情不淺。盃酒最相親。

秋日生沼氏問奇堂集得花字

相迎問奇客。酒賦了生涯。雨過塵方濕。風來物有華。  
管絃非寂寞。梁肉見豪華。向晚多佳景。斜陽照槿花。



歲暮紫芝園集得才字

三餘值暇日。嘉客惠然來。呼酒依脩竹。銜杯摘早梅。  
豈非經國業。聊集揆天才。無限留歡意。何容不醉回。

秋夕過飲子才崇古樓與諸子分韻得來字

高秋猶苦熱。散步此徘徊。東市囂塵歇。西山爽氣來。  
四絃宜唱曲。三弄佐行杯。明月樓頭望。清風更快哉。

秋夜過飲子行問奇堂看月得風字

狂客偶相引。芳樽此暫同。閒雲開吐月。高樹靜無風。  
談笑千秋下。絃歌一醉中。興闌未歸去。露氣滿清空。

歲暮紫芝園雪集得鐘字

同人事文藝。挾策此相逢。身世憐遲暮。年光惜杪冬。  
莫愁風氣沍。且看雪華濃。賴有盈樽酒。留歡到曉鐘。

初夏遊西岸寺與諸子分韻得青字

偶訪招提侶。來尋苦竹青。幽人元識面。狂客自忘形。  
綠樹求詩好。清風使酒醒。因知方外趣。鐘磬更堪聽。

夏日睡起

閑居適無事。聊試北牕眠。邈矣華胥國。悠哉廣漠邊。  
簾前過戲蝶。樹上有鳴蟬。一覺還憑几。因風聞採蓮。



春雨中過飲橫井氏木蘭堂分韻得來字

春雨連三日。思君乘興來。相迎先設席。並坐且銜杯。

好鳥鳴垂柳。微風吹落梅。歡情幾時盡。詩賦意難裁。

早春望富嶽得浮字

芙蓉高萬仞。秀色入春浮。白雪朝相映。紅霞晚未收。

遙吟頻拭目。沈思坐凝眸。安得凌雲翼。飄然作壯遊。

歲杪病起

秋來頻寢疾。恃藥保殘生。賓客猶尋問。都城未出行。

讀書文易盡。援筆字難成。但待春風發。枯楊再向榮。

夏日與友過飲子玉觀白毫翁畫

偶為乘興客。來遇主人賢。歌坐親嘉樹。留歡就盛筵。

兒童供水墨。老父畫山川。終宴不知倦。從教醉欲眠。

五言排律

初冬登東睿山文珠樓

高樓架雲起。登眺敞幽襟。地湧千花塔。山榮七寶林。

耳邊鳴墜葉。目下過遊禽。彼岸房陵近。遙源渤海深。

捲簾空翠入。倚檻早寒侵。舉趾超三界。遨魂遣五陰。

酒醒難再醉。詩就欲閑吟。杳眇煙霞裏。徒生不住心。



送莊內水大夫祗役日光山

山陵土木興。侯國輔堪憑。行役大夫往。功勞胥靡能。  
赤城霞彩起。黑髮曙光升。濟度因舟楫。經營待股肱。  
岡巒連入畫。道路直如繩。驅馬皇華使。相留力不勝。

七言律

奉送西臺藤侯奉命戍平安

五馬聯翩向上京。使君方勒大邦兵。濤聲轉海和鼙  
鼓。雲影翻天雜旆旌。王粲登樓堪重賦。亞夫高枕莫  
相驚。此行更有瓜期近。何用離筵傷別情。

九日城南登高

浦口新晴海霧收。城南佳氣映朱樓。白生沙岸霜華  
動。紅入楓林樹色浮。且厭飄零長抱病。不須遲暮苦  
悲秋。臨風多發飛蓬歎。更把茱萸挿滿頭。

送子帥入京

短衣匹馬向皇州。千里江山愜勝遊。日下才名仍落  
魄。天涯旅况自風流。壯懷定醉誰家酒。高興頻登何  
處樓。猶有前朝文物在。知君戀戀謾回頭。

送中條圖南還河陽



朝聞遊子促行裝。匹馬依然舊驢驕。橋畔愁吟憐落  
月。亭邊別恨縮垂楊。年華將及萼羹美。秋興應嘗菊  
酒香。爲許倚鞍頻望斷。白雲深處是河陽。

奉賀館林侯弘毅越公六十初度

忽聞朱邸宴群賢。佳節今朝定盛筵。琴瑟繁絃和帳  
下。芝蘭奕葉秀階前。先朝誓誥山河在。上國聲名  
社稷全。車服從來因寵數。千秋莫問杖鄉年。

早夏喜子遷子和秀緯至

北牖風來午夢驚。開門忽見故人情。愧無美酒供酣

飲。賴有寒泉解宿醒。綠樹鬱葱多喜色。黃鸝圓轉足  
和聲。林丘何限相留意。向晚雲霞滿赤城。

秋日病中作

一天秋氣正堪悲。伏枕兼傷多露時。落葉隨風常撼  
沓。閑花帶雨總離披。吟詩有感誰相和。止酒無聊更  
若爲。扶杖園中行未徧。苔深三徑亂蛛絲。

酬住江君徽見寄

天外憐君倦宦游。新詩遠寄舊風流。曾將白雪叨高  
和。肯把明珠擬暗投。樹下吟行楓葉晚。籬邊醉卧菊



春臺先生文集 後集卷一 三十一 文苑  
花秋。近來無復南溟念。偶向牀頭夢十洲。

送梁元勳

十年游宦逐風塵。短褐玲竈來往頻。月裏浩歌空白雪。花前沉醉獨青春。但因浪迹違時俗。不爲干名慕古人。聞說群兒皆長大。堪君歸去樂清貧。

公燕

華屋瓊筵白日長。十千美酒滿樽香。因歌郢曲晴飛雪。爲舞吳鈎晝降霜。賓客相推鸚鵡頰。弟兄答賦鶴鷄章。都緣公子能容衆。隨意狂生醉更狂。

答謝田中叵思議上人二首

海上新春旅鴈迴。祇林開士寄詩來。池塘淑氣生芳草。金石清聲入落梅。雲起神龍遊渤澥。風高仙鶴翥蓬萊。即今物外堪乘興。更喜江湖不乏才。

其二

梵宇巍巍枕海邊。高僧久住老逃禪。牀頭兀坐非人事。林下經行豈世緣。山出慈雲參十地。夜聞法雨降諸天。何人更作招提侶。時復追隨向石泉。

大垣北村抱節嘗學於余又與余同好音不幸



早世遺言歸余其所吹之笛故作此以哀  
忽向秋天傷別離。園林蕭瑟晚風悲。陰雲亂蔽關山  
月。殺氣偏摧楊柳枝。千里遊方空有路。百年會面更  
無期。故人今夕堪腸斷。泣把柯亭不忍吹。

送文雄上人歸西京

飄飄行子若乘風。將入廬山從遠公。自有木杯堪渡  
水。豈無錫杖任凌空。確峯歸鴈關門上。蘇嶺啼猿棧  
道中。肯爲舊遊回首望。扶桑千里碧雲東。

宴尾張大夫鈴木公邸

嘉樹經霜紅滿園。大夫延客下高軒。曹參已是開賢  
路。魏勃何須掃相門。舞奏西城翻綺扇。酒傾北海列  
金樽。歡娛無極人皆醉。不厭紛紛絲竹喧。

送子方從田原侯之國二首

城樓嚴鼓五雲邊。曉騎駸駸始著鞭。東海流霞浮旭  
日。西山積翠接遙天。白眉父老壺漿逐。黃口兒童竹  
馬前。赤芾乘軒君獨早。褰帷逐隊向三川。

其二

東方千騎氣凌霄。騶從看君馬更驕。月落函關雲欲



春臺先生文集 卷之二 文刻堂  
散。天晴富嶽雪纔消。鵬程九萬南溟近。星宿參差北極遙。到日登樓賦應就。莫令才思漫寥寥。

酬常山義海上人感秋寄懷二首

十年不見義公顏。曉夢迷途往復還。金野連天荒草際。筑波枕海斷雲間。禪扉寂寞風塵遠。梵宇深沈日月閑。說偈寄來無限好。宛然爽氣滿西山。

其二

闕然林下故人情。遲暮年來萬感生。物外烟霞成痼疾。世中塵垢媿虛名。虎溪流水環精舍。鷲嶺閒雲隔化城。憶昔春宵蓮漏畔。擁爐剪燭到天明。

門人植村正直書

春臺先生紫芝園後稿卷之一終







平野漫漫望欲迷。高林蒼鬱日初低。晚禾田畝農人  
度。秋草池頭牧馬嘶。百里陰雲歸遠岫。三旬潦水注  
清溪。閑吟散步無聊甚。喚取村醪誰與攜。

三月十四日諸子同遊飛鳥山飲溪上得輕字  
共向滄浪擬濯纓。舞雩此處樂同行。一林灌木森蒼  
鬱。二所叢祠儼肅清。樂動晚風金管響。酒乘春水羽  
觴輕。更看冠者攜童子。花裏高歌歸北城。

初夏遊長慶寺卒賦呈良天尊者  
扁舟來訪古招提。乘興飄然到虎溪。江上千帆何處

去。林間一徑不曾迷。晴軒對竹賢堪學。怪石無塵詩  
可題。賴有遠公容酒客。同人盡日醉如泥。

元文已未余甫六十。迺九月十四日。諸君子齎  
酒饌來。開宴於紫芝園草堂。探韻各賦詩。余得  
陽韻。答賦併申謝云。

友生載酒擬稱觴。高會園客滿堂。更酌聖賢皆取  
醉。且忻狂簡已成章。淒淒自愛三秋日。種種還誇兩  
鬢霜。六十年來知幾化。差將衰朽杖寒鄉。

寄題子式新居



街衢洞達路縱橫。市隱知君遠世情。門外更無輕進  
跡。牕中唯有朗吟聲。縹囊緗帙諳千載。斗酒車螯了  
一生。莫道閑居多廢事。春秋國語會應成。

江樓晚眺得人字

歸然樓閣枕江濱。與客乘春還望春。兩岸雪消添綠  
水。九衢風暖起紅塵。津頭竹樹斜陽迥。海上雲霞晚  
色新。杳杳碧空飛鳥盡。長橋目送幾行人。

松崎子允六十壽筵即事得雲字

家小置酒奉嚴君。五色斑衣思不群。老父稱觴仍話

舊。兒童弄筆且論文。宴酣痛飲須麾日。樂作高歌欲  
遏雲。好說今年方耳順。無窮世事總堪聞。

冬日集河津氏湯谷亭分韻得十二侵

城邊湯谷此相尋。宿雨初收寒不深。杯酒故分親父  
壽。盤餐兼見主人心。君諳郢曲歌高調。我據胡牀弄  
雅音。莫道年光催短景。夜來剪燭未成吟。

雪後寄友

舍南舍北雪成堆。寒曉初晴曙色開。林木千株欺玉  
樹。城樓百尺變瑤臺。盛筵何處相如賦。內集誰家道



蘊才。自恨扁舟未乘興。月吟召鷹獨在初。

山寺避暑

城中苦熱氣昏昏。無那囂塵侵小園。為愛清涼過竹院。緣耽瀟洒到松門。花臺香火除三毒。寶地寒泉洗六根。高樹陰陰遮烈日。鳴蟬鳴鳥不聞喧。

晚春集土屋氏曲江亭得寒字

曲江亭畔百花殘。隆慶橋邊春色闌。遲日融融移淑景。微風陣陣送餘寒。盈樽美酒堪相勸。滿座新詩好自寬。鳴笛吹笙重發興。放歌須盡主人歡。

夏日挹翠亭集得多字

瑠璃坡上此逕過。挹翠園亭攀薜蘿。嘉木成陰塵事少。高堂開宴故人多。牀頭吹笛難終曲。帳裡彈箏欲發歌。滿座酡顏映紅燭。相攜無奈晚歸何。

梅雨中陪相良侯西岡君遊弘福寺與子亮君

脩分韻得樓字

聯翩五馬上牛頭。瀟洒禪林墨水洲。寶殿梁高看乳燕。紺園樹靜聽鳴鳩。上方白日陰雲散。初地清風積雨收。此處追隨堪發興。晚來坐欲賦登樓。



相良侯藤公枉駕草堂卒作奉謝  
衡門晝日未全開。鄰里傳呼貴客來。但見驂騮驕蹠  
躩。何堪僕從立徘徊。魏侯訪道過閭巷。干木能圖遁  
草萊。莫怪老夫疎懶甚。強迎飛蓋任趨陪。

奉送相良侯藤公之國

衣冠早發北辰都。連騎駸駸向海隅。侯服山川堪歷  
覽。王朝道路任馳驅。斗間定識豐城劍。蛟室應探  
明月珠。秋至觀濤多逸興。新鮮况復有尊鱸。

奉送準夫土屋君戍駿府

東方千騎羽林郎。幾度南征戍駿陽。函嶺曉雲牽旅  
况。富山晴雪映行裝。烟花何盡名都勝。星斗應知寶  
劍光。早晚登樓能作賦。嗟君躍馬濟三湘。

五言絕

少年行

弱齡好使氣。攘臂渥朱顏。跋扈江南地。無人出胯間。

送天門慧寂二師之西京三首

別君揚柳陌。揚柳亂如絲。似關離別苦。莫遣春風吹。

其二



相送到江邊。江邊草如煙。行人興不淺。匹馬欲翩翩。

其三

江水東南流。遊人去不住。行遇桃花時。莫忘武陵路。

畫蘭圖

幽蘭生深谷。一莖敵衆芳。不意屏障裏。鬢鬢聞國香。

送子高歸長門兼寄次公三首

相送爲君酌。徘徊折柳枝。銜杯強自廣。猶有後來期。

其二

握手望天涯。天涯杳何處。征馬依風嘶。主人說好去。

其三

臨歧不忍別。刺刺話平生。寄語周南子。加餐終令名。

信州鷺湖應詠方侯之徵

冰凍馬蹄捷。冰泮舟楫輕。萬頃一碧水。長映詠方城。

題蒲桃圖

爛爛如馬腦。累累似龍珠。壁間發生色。誰知是畫圖。

少年行得邊字

下直整袂服。春日渭橋邊。駐馬青樓下。顧望且周旋。

兒島高德書櫻樹圖



勤王私有待。微服詣行在。一夕樹白書。名節高千載。

題畫蘭圖

丹青有妙技。猗蘭吐芳華。不必深林中。幽香發素紙。

送雲察上人應請白河森巖寺二首

金華定何處。松島知遠近。遊方但隨緣。不是買山隱。

其二

錫飛秋風起。白河古時關。懸知招提境。紫氣應滿山。

奉贈準夫二首

世俗多輕薄。紛紛意欲飛。誰知燕趙士。緩急可依歸。

其二

昔人脫綈袍。寒士長憶念。慷慨一片心。如同千金劍。

題畫鷹圖

綃素如秋色。蒼鷹勢無敵。試使鳥雀窺。應時奮一擊。

七言絕

猗蘭藤侯將戍平安。置酒與諸子別。分賦十二

體。得開字。

公子西征祖帳開。驪歌爭把夜光盃。東方千騎皆珠

履。昔日毛生若箇來。



同友人芝浦看月  
秋高芝浦月輪孤。一夕風光滿海隅。共說驪龍眠且  
熟。不知何處覓明珠。

尋隱者不遇

半帙青囊遠覓師。山中日月不相期。門前落葉無人  
跡。正是仙翁採藥時。

酬子帥見寄二首

梁園賓客盡風流。豈料相如已倦遊。永夜陰蟲侵四  
壁。寒燈長照茂陵秋。

其二

南北相望雲樹高。悠悠榮利委蓬蒿。知君日日東籬  
下。獨自銜杯醉濁醪。

奉輓下館世子對州丹使君二首

青衿白面早稱賢。書劍纔成弱冠年。誰料驂騑着鞭  
處。一聲薤露送黃泉。

其二

北風吹起玉臺塵。芳草還逢何日春。從此雞聲休報  
曉。寢門無復問安人。



題海晏寺紅樹

古剎楓林簇晚霞。深深庭院駐年華。那知秋後風霜色。却勝江南二月花。

和中條圖南立春之作

東江雪水共潮平。物候偏傷遠客情。莫向春風動歸思。關門恐識棄繻生。

關山月送次公還長門

離歌一曲便西東。愁對天涯揚柳風。別後相思何處切。關山獨夜月明中。

奉和琴鶴丹侯自下館所示夏晚之作二首

雙鳥無事上蘭臺。落日雄風正快哉。更有筑波山色好。峩峩時入五絃來。

其二

城下江邊暑氣微。橫天星斗影依稀。馬蹄不用風吹起。數點流螢傍水飛。

關山月

城中擊柝夜漫漫。高樹蒼蒼白露寒。羌笛一聲腸欲斷。關山月色好誰看。



謝長坂國父惠家釀

瓮裏香醪熟後厨。送來春色解屠蘇。偶然間對林間月。終夕頻傾白玉壺。

冬日與叔潭子彬集中野伯京宅

城中雪後好風光。一朵寒梅處處香。不是剡溪回棹客。醑然相對詫高陽。

夜過飲善上人房

東林皓月照禪心。鐘磬鏗然響梵音。緣是遠公容酒客。數杯餘興獨高吟。

冬日與叔潭過飲木下實聞舍

幽襟豈謂對君開。寄傲南牕把玉杯。此日北城寒氣薄。不知短景急相催。

過溥了上人相遇

雨過東林花正飛。虎溪綠水染麻衣。主人入定無時出。不管淵明酩酊歸。

贈別

千里春風傷客心。猿啼蘇嶺白雲深。山中莫奏林鈴曲。恐遣行人淚不禁。



東嶺山看花

山上春深醉物華。赤城霞起日西斜。尊中酒盡猶餘興。遮莫狂風吹落花。

夏日同子和過東城伯通得來字

城裏南樓一望開。熏風終日滿襟來。上池水冷堪醒酒。傾倒金尊未肯回。

臨高臺送旭上人還山

蓮社風流憶虎溪。廬山歸路杜鵑啼。今朝分手高臺上。望斷巫關千里西。

初夏過大森氏依永堂偶有贈紅芍藥者。主人索詩走筆以答。

誰家園裏駐年華。紅紫餘芳藹晚霞。應會主人留客意。折來相贈一枝花。

子方惠白團扇。上有西宮怨圖。乃其所畫。貳以古宮詞。皆甚可愛也。聊此寄謝。

西宮樹裏月徘徊。繡戶深沈半未開。紈素秋風無限恨。宛然却入畫圖來。

漢宮詞



大液池頭月一輪。未央輦路淨無塵。夜深鐘鼓聞雲外。怨殺長門宮裏人。

初秋子方宅同湛園上人賦晴景得花字

雨過西山起彩霞。蒼蒼秋色遍天涯。歡情何限晴軒畔。留得斜陽照槿花。

送慧亮沙門還南海

莫牽征袖謾傷神。千里潮來水色新。南海秋高明月夜。知君幾處見鮫人。

擣衣

霜落城頭風色悲。擣衣誰子最相思。月高夜半砧聲斷。正是佳人掩淚時。

胡笳曲送騰雲師還湖中

誰家樓上夜吹笳。落盡江梅數樹花。時有湖中促歸客。飄然飛錫向天涯。

送松宮觀山之長崎二首

知君得意遠從征。萬里秋風鼓角聲。渺渺天涯何日到。馬行纔盡又舟行。

其二



天外秋風送使臣。乘槎雲漢疾如神。歸來相示支機石。猶有成都賣卜人。

送雲洞傳真二師遊毛州

聞道白雲山路難。不知天外幾層巒。豈無風物堪持贈。怡悅將來與我看。

奉賀尊大人琴鶴公六十初度

代下館世子

向曉仙禽鳴九臯。滿城佳氣五雲高。大椿樹上棲青雀。王母今朝來獻桃。

送聞哲師歸浪華

華華子。師思日高。齊半。好詩。

看君飛錫入煙霞。瀕海長亭驛路斜。行到浪華春色好。津頭二月落梅花。

春末高田郊行與諸子分韻得春字

時春暮

春服初成值暮春。舞雩幽賞作同人。田間一醉仍餘興。又向江邊採綠蘋。

送真海沙門再入京遂歸觀江州

真海沙門。吹簫。

木葉紛紛水有波。吳中歸興定如何。料君重就長安日。貪看西山夾氣多。

除夕與友人吹笛得人字

平春。盛。好。味。康。好。



雙鬢休言白髮新。明朝又見一年春。盈樽淑氣殊堪挹。况有當筵吹律人。

木葉春雪諸子集紫芝園得遲字  
滿園雪色亂花枝。坐客偏嫌行酒遲。漫擬相如能作賦。狂夫酩酊嬾題詩。

春與諸子賦曲名得柳花苑  
舊苑荒臺柳絮飛。漫天時復點人衣。無端却惹春愁起。何處王孫遊不歸。

九月十三夜月甚明欲邀印海芝山二師同賞

二師他適不來。作此却寄。

園裏清風向晚秋。坐看明月思悠悠。東林今夕堪乘興。二妙定登何處樓。

送僧歸當麻

欲別江邊縮柳枝。何年定是再遊時。還山試看蓮池水。綠淨春深染藕絲。

金山師惠清人大鵬沙門畫竹

水墨精神已出群。亭亭氣色入青雲。不須更向林中覓。教我終年對此君。



送服部子昌勝 其人好吹笛  
悲歌鳴笛過行雲。落盡梅花便送君。更向江邊作三弄。舟中會有子猷聞。

秩父山行

蒼蒼秩父幾重山。濟勝幽尋往復還。暴水長流環如帶。回看武甲碧雲間。

登白雲山

白雲山上白雲飛。幾戶人家倚翠微。行盡白雲雲裡路。滿身還帶白雲歸。

送應上人還長州

飛錫天涯雲路遙。浪華西去漸蕭條。誰知赤馬津頭水。萬里猶通渤海潮。

冬日宴鈴木大夫邸聽樂

屋上晴雲照酒杯。九成仙樂鳳皇臺。滿堂忽發陽春色。不獨庭前見落梅。

除夕吹笙憶印海芝山二師

前年除夜。二師來守歲於敝廬。印公

吹笛。芝公吹笙。余吹笙。相和歡甚。戊申夏。印公寂。已酉冬。芝公如京師。故有此作。

飛錫凌空西入秦。鳴笳定值帝京春。奚笙未奏相思



切。宿草深埋吹笛人。

早春登增上寺樓

芝浦春風百尺樓。登臨宛是鳳麟洲。東南目極滄溟闊。唯見房陵水上浮。

金原望筑波山

筑波遙看氣佳哉。莽蕩金原四望開。積翠分明如射眼。春雲亂逐北風來。

送專上人還鄉二首

迢迢別路杜鵑啼。鼓響高城曉月低。飛錫雲山千里

外。春風挂席浪華西。

其二

良辰解纜浪華津。一片征帆挂暮春。莫爲風光漫留滯。鄉園正有倚門人。

英聃二師過良夫宿別余有故不會遙寄

何處空中飛錫聲。留歡此地尚多情。遙知今夕離堂上。滿座傳杯定幾行。

送東城伯通從岡崎侯之國

連騎追隨五馬塵。三河風物乍清新。那知客舍東都



下。却有閨中計日人。

送竹洲師歸丹陽

飛錫凌空向舊溪。龜山秀色有誰迷。送君忽憶曾遊處。一片秋雲千里西。

送潮音師還西京

欲別春風却結愁。雲山千里思悠悠。知君行向長安道。綠樹重陰綠水流。

過飲大橋氏分韻得君字

門外囂塵醉裏聞。高談吐氣激青雲。同人不厭行杯

酒。滿座歡娛一任君。

古河藤侯邸奉陪主君看花

名園春色鳳城邊。樹裏禽聲雜管絃。白晝花飛若雲起。更疑帝子下鈞天。

送莊內水信甫使西京

芒芒海宇尚尊周。使節翩翩行不休。客路三千王事急。肯因風景記鄉愁。

聞天門師與諸子集子肅氏遙有此寄

霜落園林橘柚香。曉天驚見德星光。同人永日堪相



羨隆慶橋邊對夕陽。

元旦病中

近寺鳴鐘天欲明。春光想見發江城。小齋無事堪高枕。卧聽門前車馬聲。

送萬雄上人歸浪華

春風飛錫向天涯。西望雲山歸路賒。料得故園君到日。難波江上落梅花。

春日集正木氏待雙齋公不至晚乃見臨作此奉呈。

城上輕風宿雨晴。看花對酒弄春聲。晚來更有嘉賓至。先擁紅爐炙鳳笙。

送文英上人歸攝州

東林春盡杜鵑啼。客况無端憶故溪。握手知君歸意在。白雲生處淀城西。

夏日集紫芝園論文得殘字

山東才子碧琅玕。滿座文章珠走盤。永日笑談何限興。後堂猶有一樽殘。

六月晦日立秋分韻得麻字



春臺先生文集 卷之二 文刻堂  
柴門茅屋似田家。烈日斜陽照槿花。莫厭園林殘暑在。朝來秋氣入桑麻。

歲抄紫芝園會業探得麻韻

園中芝草駐年華。滿座高談傾五車。詩酒交歡供酌。那知歲事亂如麻。

送石川由之還峽中二首

憶君歸路白雲西。武野冰霜滯馬蹄。行出駒關知己少。莫辭今日醉如泥。

其二

嶺頭皓月與星殘。朝涉都留水正寒。歸到峽中多勝事。芙蓉雪色好誰看。

暮春遊飛鳥山望筑波

百里郊原春已闌。長江水色尚餘寒。憑高發興追飛鳥。因與常山相對看。

哀喜朴翁

負郭林亭幾度過。胡笳羌笛兩相和。三杯酒罷無消息。耐可牕前禽語多。

翁善吹笳嗜酒一飲不過三杯

三又江泛舟



風靜又江不起波。輕舟汎汎醉中過。天遊只在人間外。長嘯高吟雜棹歌。

佃渚訪諱順師不遇  
海色連天水色浮。偶然來此繫漁舟。主人方有圖南志。鵬翼乘風萬里遊。

謝五味伯耳惠拂子

碧空望斷峽雲長。驛使傳書到草堂。含笑知君赤心似。爛然朱實一傾筐。

送金山上人二首

飛錫飄飄凌碧空。知君此去欲乘風。行看萬仞芙蓉雪。陰映扶桑初日紅。

其二

谷口春風花落時。振衣何事遠尋師。倚門不獨高堂母。山有喬松西指枝。

將往上毛雨中留別長翁子顯

北原風雨帶春寒。挹酒堪聞行路難。想見赤城霞色好。如何持贈與君看。

自高麗往沼田道中作



裹糧早發出山家。北濟烏川直路賒。自過厩梁無別  
况。榛那積翠赤城霞。

沼田奉陪君侯過妙光寺。聽日檀上人說法。上  
人見贈以詩。率爾答之。

觀魚近地晚歸來。繫馬東林土寶臺。爲是老僧能說  
法。天花落處月徘徊。

桶川留別栗原子元

旅遊累日倦山行。到處淹留不計程。信宿深知君愛  
我。家中僮僕故人情。

賦得隴頭水

萬騎如雲度隴頭。角聲警夜幾時休。隴頭流水東西  
去。不爲征人慰客愁。

送多賀子歸加州

白雲悵望幾回秋。千里歸心北海頭。我亦苦思桑梓  
地。送君空自起鄉愁。

俠客行得心字

避難歸來秋草深。幾年一諾重千金。腰間寶劍藏霜  
刃。彈鋏相看是寸心。



酬內藤君望見懷

寂寞平生好技文。風塵無那日紛紛。太玄豈是關吾事。唯有貧居似子雲。

此謙亭主人邀大泉水大夫陪宴作此

高會華堂陳八珍。清談永日遠風塵。大夫爲客堪沉醉。驅逐餘寒滿座春。

去不哀天門上人

赤城霞起夕陽紅。何意愁雲繞梵宮。深院求君君不見。斷腸春晚落花風。

君廷宅與子允飲卒賦

二難并得古來難。案上圖書相對看。不是主君能置酒。故人那盡十年歡。

謝伯耳惠乾柿

峽中乾柿白於霜。甘脆含來風味長。滿口如飴堪養老。謝君嘉惠勝膏粱。

早秋遊豐山長谷寺偶然成詠

偶乘秋景入山林。盡日曾無俗事侵。巖下清流堪濯熱。况傾河朔酒杯深。



平田香稻

豐山十五景分題

倚山臨水感年光。十里平田肥稻梁。南畝穰穰近社日。晚風披拂送秋香。

歲初集紫芝園分賦曲名得柳花苑

張宴高堂落日斜。晴軒晚對赤城霞。都緣吹笛催春急。揚柳津津欲著花。

初夏生沼伯飛見招與子允父子飲得飛字

清和時節近單衣。把酒晴軒對晚暉。只為盛筵多樂事。賞心偏逐笛聲飛。

季夏小宮山氏謙亭避暑得侵韻

詩酒相逢高樹陰。醉來永日坐閒吟。向晚微風送微雨。解熱君延愛客心。

寄義山律師

妙極毗尼纔再傳。金輪輾破法輪圓。誰知三密瑜伽室。閑折摩蒸筭子錢。  
覺彥律師名其草堂曰妙極義所然細薪也

暮春遊豐山新長谷寺

暮春春服逐春輝。落日春風花亂飛。只為主人能愛



客清談剪燭未知歸。

送義卿還加州

門前班馬不堪聞。握手離亭未敢分。行出碓冰關下路。回看東海曉天雲。

送今大路子直遊函嶺

金風拂曙白雲浮。騎馬行尋函谷秋。定是群山多爽氣。知君到處擬登樓。

送菊菴禪師還峽中

身世無拘任去留。相逢未幾說歸休。看君飛錫乘風

處佛日高懸佛嶺頭。

謝人贈牡丹

小園春晚靜年芳。看過山櫻與海棠。更喜名花君不惜。一枝爛熳照空堂。

山中聞子規

千章樹色過殘春。何不如歸行路人。只爲子規聲更苦。山中獨夜欲沾巾。

歲暮紫芝園集得清字

坐客交歡酒復清。更因短景促杯行。園中莫道無佳



興。醉聽文卿唱曲聲。

諸子宴飲唱酬疊篇予亦賦此

相和周南二雅詞。嘉賓乘醉滯歸期。銜杯剪燭爭餘興。白雪陽春無盡時。

春宮怨

園中花落不關情。但見階前春草生。白晝倦來眠一覺。東風吹送管絃聲。

寄懷天功卧病

草滿回塘花滿園。遙憐病客卧東軒。上池藥水君家

事。耐可孤春久杜門。

贈九十二翁河津正伯先生

遺世優游定幾年。乘閑徃徃愛逃禪。羨君早得長桑術。脫落風塵作地仙。

送伯通再從岡崎侯之國

千里隨行車騎連。三河風物定依然。驛亭試問清秋夜。猶有佳人弄管絃。

上外冬日詣相良侯。歸路遇雪。明日公見寄以詩。作此奉答。



昨日梁園醉盡歡。夜來歸路雪漫漫。今朝想見平臺上。授簡相如倚玉闌。  
亦曾歲抄紫芝園集。今大路君不至。見寄以詩。席上  
十里和之奉懷。得深字。歷歷玄外。然觀。予。歸。問。戲。以。  
同人相值盡同心。上客銜杯憶斷金。此日神門有何  
事。新詩却破歲寒深。

初夏過飲傳久寺憶天門上人得回字  
十載風光此再來。東林樹色映銜杯。賦詩憶舊西軒  
下。看盡斜陽未肯回。

奉酬相良藤公見過之作

太玄草罷久閑居。驚見門前長者車。誰料冠裳問奇  
客。賁然枉駕到吾廬。

門人 植村正直書

春臺先生紫芝園後稿卷之二 終



春風吹綠柳  
燕子剪輕盈  
大地生機發  
萬物競欣榮

東風吹綠柳  
燕子剪輕盈  
大地生機發  
萬物競欣榮

東風吹綠柳  
燕子剪輕盈  
大地生機發  
萬物競欣榮

東風吹綠柳  
燕子剪輕盈  
大地生機發  
萬物競欣榮

東風吹綠柳  
燕子剪輕盈  
大地生機發  
萬物競欣榮

東風吹綠柳  
燕子剪輕盈  
大地生機發  
萬物競欣榮

東風吹綠柳  
燕子剪輕盈  
大地生機發  
萬物競欣榮

東風吹綠柳  
燕子剪輕盈  
大地生機發  
萬物競欣榮

東風吹綠柳  
燕子剪輕盈  
大地生機發  
萬物競欣榮



